

CANONES TORQVETI

iunximus, quæ ob eam rem haud iniquè regula latitudinis ag-  
 nominabitur. Is uero circulus latitudinis sublimis ducitur, duo  
 bus pedibus regulæ longitudinis insistentibus continue inni-  
 xus. Cuius superior quidem medietas Aquilonia, inferior uero  
 Austrina latitudo inscribitur, linea mediatrice uicem eclipticæ  
 rationabiliter obtinente. Ille demum minores auriculæ, quas di-  
 ximus semicirculum ferunt pensilem, qui pondere suo horizon-  
 tem perpēdiculariter, nisi impediatur, semper petere uidebitur.  
 Is semicirculus altitudinis rite nuncupabitur, quòd eleuationes  
 stellarum supra horizontem perpendicularo indice commonstra-  
 re soleat. Sed cum circulus latitudinis ad utramq; horizontis  
 partem orientalem, uidelicet & occidentalem plerunq; inclinetur,  
 Semicirculus autem pensilis libere semper nutare debeat, non  
 potest perpendicularum unico quadranti adhærere, quo circa al-  
 terum quidem scilicet dextrum orienti; Alterum autem, id est  
 sinistrum, occidenti allegauimus, quemadmodum inscriptiones  
 commonent. Tota postremò memoratarum partium conge-  
 ries, quæ circulo ecliptico connectitur, atq; idcirco ad motum  
 regulæ longitudinis circumducitur, crista cuius speciem præ se  
 ferre creditur, nuncupari poterit, quo distinctius quæcunq; in-  
 fra præcipientur accipias.

PRO-